



REPUBLIKA E KOSOVËS REPUBLICA KOSOVA REPUBLIC OF KOSOVO	
AGJENCIA PROTIV KORRUPCIJE ANTI-CORRUPTION AGENCY	
Dep. Dep. Dep.	2-D/DPK
Nr. Ifao Broj stranica Nr. pages	02
Nr. Prot. B-Prot. Prot No	01-803/15
Date Datum Date	19.03.2015



Republika e Kosovës
Republika Kosova - Republic of Kosovo

**AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY**

Në mbështetje të nenit 11 (parografi 1.1), nenit 5 (parografi 1 pika 1.5), nenit 18 (parografi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (parografi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 16.03.2015, mori:

V E N D I M

I. Mbylljet rasti me nr. AKK- 03-3265/14, për shkak se nuk ka konflikt interes i në mes të kryetarit të komunës së Mitrovicës - Agim Bahtiri dhe kompanisë “Mushroom Park L.L.C.”, për marrje në shfrytëzim të pronës publike komunale në Zhabar të Epërm të Komunës së Mitrovicës sepse pëlqimin për dhënie në shfrytëzim të pronës publike komunale e jep Kuvendi Komunal.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin e bazuar për konflikt interes i në ushtrimin e funksionit publik, nr. AKK – 03 – 3265/14, për z. Agim Bahtiri – Kryetar i Komunës së Mitrovicës, është trajtuar sipas procedurës së paraparë në Ligjin nr. 04/L-051 për parandalimin e konfliktit të interesit në ushtrimin e funksionit publik (Ligi PKI).

Në këtë rast z. Bahtiri, është hetuar për konflikt të mundshëm interes i në çështjen e “dhëniec në shfrytëzim të pronës së paluajtshme publike komunale” kompanisë “Mushroom Park L.L.C.”. Kjo përfaktin se pronari i kësaj kompanie Hee Joo Park, në bazë të dhënave që kemi siguruar nga Agjencia për Regjistrimin e Bizneseve, është bashkëpronar me z. Bahtiri në biznesin tjetër privat “GREEN MUSHROOM FARM-KOSOVA” SH.P.K.

Bazuar në këtë iu njoftojmë se Ligji PKI ka parashikuar disa kufizime për zyrtarët e lartë gjatë ushtrimin të funksioneve publike. Ky ligj, në nenin 13 ka paraparë konfliktin rast për rast të interesave i cili shkaktohet në rastet kur zyrtari i lartë ka interes privat në një vendimmarrje për një çështje të caktuar e që mund të bëhet shkak për lindjen e konfliktit të interesit.

Në anën tjetër, Ligji (nr. 03/L-226) për Dhënien në Shfrytëzim dhe Këmbimin e Pronës së Paluajtshme të Komunës (neni 5) parashev se Kuvendi komunal e ka të drejtën t'i jep personave fizik dhe juridik pronën e paluajtshme publike komunale në shfrytëzim afatshkurtër dhe afatgjatë. Ndërsa, kryetari i Komunës i propozon Kuvendit Komunal dhënien për shfrytëzim afatgjatë të pronës së paluajtshme komunale (neni 6 i këtij ligji).

Ligji PKI nuk ka paraparë ndonjë kufizim që lidhet me funksionin e kryetarit të komunës në rastin kur kryetari nuk mund t'i jap në shfrytëzim një personi tjetër pronën publike komunale. Ky ligj, e ka kufizuar zyrtarin e lartë që të lidhi kontrata me ato ndërmarrje në të cilat ka pronësi apo pjesë të pronësisë. Neni 15 (pika 5) i këtij ligji thotë:

“Ndërmarrja ne të cilën zyrtari i lartë ka pronësi apo pjesë të pronësisë, e drejtuar nga personi i besuar, nuk ka të drejtë te lidhi kontratë ose te përfitoj ndihmë nga institucionet qendrore ose lokale, ne të cilat zyrtari i lartë është në pozitë vendimmarrëse”.

Po ashtu, kryetari i komunës nuk ka shkelur as dispozitat e nenit 13 të Ligjit PKI për shkak se nuk e ka rolin vendimmarrës në dhënien e kësaj prone.

Bazuar në dispozitat e lartcituara, kryetari i Komunës mundet, vetëm të propozoj dhënien e pronës publike komunale, ndërsa Kuvendi Komunal e ka të drejtën të vendosë për dhënien e kësaj prone.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korruptionit, Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik;
- Drejtorit të DPK- së;
- Z./zpj. (zyrtarit përgjegjës).

Drejtor i Agjencisë kundër Korruptionit

Hasan Preteni

